



30. marts 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit qaleralinniartussanik, saarullinniartussanik, suluppaagarniartussanik il.il. aalisariutinik amerlanerusunik aalisartitsilernissaq pillugu:

1. Pisassiissutit 10 %-ii Naalakkersuisut immikkoortinnikuusaat, paasisakka naapertorlugit qaammatit tallimat missaani aalisartitsinissamut, 2016-mi angallatit pioreersut aalisarnikuusimmammata katillugit qaammatit 50-t missaanni. Aalisarnermut Naalakkersuisup siusinnerusukkut apeqqutinnut ulloq 7. marsi akissutaani paasivara, inuiaqatigiit aningaasarsiornerat eqqarsaatigalugu taamaaliornissaq silutsaarnernunngitsoq, taamaattumik apeqqutigerusuppara ingerlatsineq eqqarsaatigalugu imminut akilersinnaanersoq, aningaasaliinermut tunngavigissallugu qaammatit tallimat missaanni aalisarnissaq.

2. Naalakkersuisut taakkununga pisassiissutit 10 %-iinut qinnuteqartunik pingaarnersiuiinissap qanoq ingerlanissaa takorloorpaat? Pingaarnersiuiinermi tunngaviginiarneqarnerluni aalisalerumartussat aningaasarsiornikkut allaffissornikkullu suliamik kivitsisinnaanissaat, isertortukkut akunnermiliuttoqarsinnaanera pinaveersimatinniarlugu?

3. Aalisarnermut Naalakkersuisup aalisartut nunaqavissut pineqarpai, maannakkut salliutinneqartussatut. Imatut paasineqassanerluni aalisartitseqatigiiffiit pioreersut aalisarnermut inatsimmi piginnittuunermut aalajangersakkanik malinnissimangimmata nunaqavissutut isigineqarsinnaanngitsut imaluunniit aalisartunut immikkoortitereriaatsimik nutaamik takkuttoqarsimanerluni, Naalakkersuisup innersuussutigisaanik?

4. Paasivara aalisarnermut tassunga atatillugu aalisariutit taartissaannik nutaamik angallammik sanasoqartoq. Inuussutissarsiummi tassani uanga paasisakka naapertorlugit aningaasaliissutit tamakkiisut 1 milliard koruunit sinnerpaat. Naalakkersuisup misissorsimanerlugu aalisariutit taakku akilersinnaassusaat qanoq sunnerneqassanersoq, ikilisaanermi taamatullu ukiuni aggersuni pisassiissutit ikilisarneqartarnissaannit, Naalakkersuisup apeqqutinnut ulloq 7. marsi akissutaani allassimasutut. (Inatsisartunut ilaasortaq Michael Rosing, Demokraatit)

Tunngavilersuut

Ulloq 7. marsi § 37 naapertorlugu apeqqutinnut 2017-105-mut akissut tiguara.

Akissutit apereqqittariaqalersippaannga, taakkulu matumuuna nassiuppakka. Tamatuma saniatigut innersuussutigissavakka § 37 naapertorlugu apeqqutinni normu 2017-105-mi tunngavilersuutigisimasakka. Svarene giver anledning til yderligere spørgsmål, som jeg hermed fremsender. Jeg henviser herudover til samme begrundelse som i § 37-spørgsmål nummer 2017-105.

Apeqqutit akeqquakka ullut suliffiit naliginnaasut qulit iluanni.



DEMOKRAATIT
DEMOKRATERNE